



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 12.04.2021

Presidi: Peer-Puorger Victor
Partecipant/s: Riatsch-Fedi Fadri
Cantieni-Lanfranchi Andri
Caviezel-Domenig Ursina
Kirchen-Werro Armon
S-chüsà:
Protocol: Oswald Gian Claudio
Fabrica: Paulmichl-Rodigari Albin
Gias/s:

tractandas	tema	responsabel
1	0120 Executiva Acconsentimaint protocol	tuots
2	8200 Gestiu forestala 8200 Gestiu forestala Ledscha davart ils agüds da chatscha	vp/uc
3	0220 Uffizi da fabrica Dum. da fabrica no. 022/2021, ingrondimaint da la deponia (tip A + tip B), Cumün da Valsot, parcelas no. 6066 + 6071, Prà Dadora, 7560 Martina	vp/ap
4	0220 Uffizi da fabrica Dum. da fabrica no. 023/2021, müdamaint da la frequenza, Sunrise Communications AG, parcella no. 4882, Schieschnas Dadaint, 7556 Ramosch	vp/ap
5	0220 Uffizi da fabrica Dum. da fabrica no. 019/2020, suost per materials da fabrica in lain, Koch AG, parcelas no. 363 + 459, Plan da Muglin 91-H, 7556 Ramosch Müdamaint da proget	vp/ap

- 0220 Uffici da fabrica
Dum. da fabrica no. 065/2020, foura d'aldüm cuvrida cun ün tet e via d'access, Bayerl
6 **Ruth, parcella no 412, Seraplana 144A, 7558 Strada** vp/ap
- 7101 Provedimaint d'aua
7 **Proget spostamaint lingia d'aua Chomp sur Vi** vp/ap
Dumonda da credit da fr. 65'000
- 2170 Chasas da scoula
8 **Proget ingrondimaint chasa da scoula Strada** vp/fr/ak
Elecziun da la cumischiun da fabrica
- 0220 Uffici da fabrica
9 **Dumonda da Roger & Leta Janett / cumprita da terrain da fabrica a Chaflur o a** vp/ap
Martina
- 0120 Executiva
10 **Orientaziuns** tuots
- 0120 Executiva
11 **Varia (suprastanza cumünala)** tuots

0120 Executiva

56 Acconsentimentaint protocol

Ils protocols da las sezzüdas dals 23 e dals 24 da marz vegnan approvats.

8200 Gestüni forestala

8200 Gestüni forestala

57 Ledscha davart ils agüds da chatscha

Il capo ed Ursina Caviezel, suprastanta dal dicasteri forestal, orienteschan cha sün intimaziun davart dal cumün da Scuol as vaiva cumanzà da s'occupar culla problematica d'agüds da chatscha. Üna grupp da lavur a la quala fa part l'antierur suprastant Armon Mayer, ha elavurà in quist connex üna ledscha. Quella es gnüda examinada eir giuridicamaing, uschè cha quella as cunfà cullas ledschas superiuras. Dürant l'elavuraziun sun eir gnüdas consultadas las societats da chatschaders, respectivmaing ils presidents da quellas. Our da quel motiv es la grupp da lavur da princip da l'avis cha'l reglamint elavurà cuntegna ils magnamaints da tuot las gruppas d'interess. Armon Mayer repassa insembel culla suprastanza artichel per artichel da la ledscha e spiega dumondas. I vegn miss in dumonda da princip, schi bsögna üna tala ledscha. Mincha ledscha chi aintra in vigur ha eir da gnir executada. La dumonda es, scha quai maina pel cumün a daplù sco be tribulaziuns. Scha l'uffizi forestal cumünal segna respunsabel pella controlla e pella execuziun, schi es da preverer chi tils manca il temp per otras robas.

La suprastanza es da l'avis, chi ha d'avair lö ün'orientaziun pels chatschaders. I vegn però decis da proseguir da princip analog a'l cumün da Scuol, chi prevezza eir d'introdüer üna simla ledscha. Lur proceder ha da gnir scleri.

0220 Uffizi da fabrica

58 Dum. da fabrica no. 022/2021, ingrondimaint da la deponia (tip A + tip B), Cumün da Valsot, parcellas no. 6066 + 6071, Prà Dadora, 7560 Martina

Il manader tecnic spiega l'intent in connex cul ingrondimaint da la deponia a Prà Dadora. Fingia avant ün per ons d'eira gnüda inoltrada prol Chantun la dumonda pella revisun parciala da la zona da deponia. Quella ha stuvü gnir cumplettada, our dal motiv cha las actas nu d'eiran cumplettas. Davo chi d'eiran gnüdas procuradas las infuormaziuns e las actas mancantas, sco eir gnüts fats ils adattamaints vi dals plans, d'eira gnüda inoltrada la dumonda cumpletta danouvmaing. La correspundenta approvaziun es uossa avantman, uschè cha'l prossem pass es d'inviar la dumonda BAB. Prols adattamaints necessaris toccan las trappartidas tanter ils divers tips da material, ils anguls da diversas costas da la deponia (nouv pelplü 1:2 invezza dad 1:1), il limit da l'otezza maximala da la deponia, sco eir il möd da depositar il s-chart culla realisaziun d'üna portecziun sistematica per stabilisar las costas. Implü sto gnir fat la dumonda per permiss supplementars necessaris. Las masüras da cumpensaziun s'amuntan a frs. 48'105.00, l'adöver da quels mezs es restret.

La suprastanza va d'accord cul intent, e decida d'inviar il proceder da BAB per pudair proseguir in chosa.

0220 Uffici da fabrica

- 59 **Dum. da fabrica no. 023/2021, müdamaint da la frequenza, Sunrise Communications AG, parcella no. 4882, Schieschnas Dadaint, 7556 Ramosch**

Il manader tecnic spiega l'intent da la Sunrise Communications AG. Quels han inoltrà la dumonda per rimplazzar parts d'üna antenna il territori da Schieschnas Dadaint. I nun es previs d'integrar il bindel da frequenza 5G. Tenor ün rapport tecnic davart da l'uffizi pella natüra e l'ambiant nu chaschuna quist intent ün augmaint da la radiaziun.

La suprastanza va d'accord cul intent e decida da conceder il permiss necessari.

0220 Uffici da fabrica

- 60 **Dum. da fabrica no. 019/2020, suost per materials da fabrica in lain, Koch AG, parcellas no. 363 + 459, Plan da Muglin 91-H, 7556 Ramosch**
Müdamaint da proget

Il manader tecnic spiega cha la ditta Koch AG vaiva inoltrà la dumonda da fabrica pella realisaziun d'ün suost per material da fabrica sül terrain da la Resgia Koch SA. Oriund d'eira previs da realisar quel suost in lain. Dürant ils prüms pass da lavur ha la ditta constatà, cha'l mür chi tegna la costa davo il suost nun es plü stabil avuonda. Our da quel motiv dumonda la ditta Koch AG da pudair adattar l'intent uschè cha tal gnis realisà in beton.

La suprastanza va d'accord cul intent e decida d'approvar l'adattamaint da material.

0220 Uffici da fabrica

- 61 **Dum. da fabrica no. 065/2020, foura d'aldüm cuvrida cun ün tet e via d'access, Bayerl Ruth, parcella no 412, Seraplana 144A, 7558 Strada**

Il manader tecnic spiega l'intent da la petenta. Quella ha inoltrà üna dumonda da fabrica pella realisaziun d'üna foura d'aldüm vers nord-ost da la stalla dals asens. Implü voul ella realisar üna via d'access fin pro quella foura. Our dal motiv cha'l cumün as rechatta immez la revisun da la planisaziun totala cumünala, nun es pussibel da conceder il permiss necessari. Culla revisiun es previs da tour üna part da la parcella da la petenta our da la zona da fabrica, uschè cha tal intent nun es plü realisabel. Ils sclerimaints fats prol cusgliader giuridic demuossan, cha la dumonda ha, our da motivs cha l'intent pudess cuntrafar a l'adöver futur da la zona e cuntradiss in seguit eir a la revisiun da la planisaziun totala previssa, gnir sistada. Il cumün metta in vista a la petenta da suottametter la dumonda da fabrica a la zona da planisaziun e da tilla sistar sco fingià manzunà, fin cha la nouva ledscha aintra in vigur. Davo cha quai es success po la dumonda gnir valütada da nouv.

La suprastanza va d'accord culla proposta e decida da sistar la dumonda fin cha la ledscha nouva aintra in vigur.

7101 Provedimaint d'aua

- 62 **Proget spostamaint lingia d'aua Chomp sur Vi**
Dumonda da credit da fr. 65'000

Il manader tecnic spiega cha our da motivs da l'ingrondimaint da la stalla da Cla Janett, es da spostar la lingia d'aua cumünala. Quella as rechatta sülla parcella sper la stalla existanta, sülla quala es previs l'ingrondiamint. La ditta Canclini + Partner Scrl ha in quist connex elavurà üna proposta pel spostamaint. Ils cuosts calculats in quist connex s'amuntan a raduond frs. 65'000.00.

Previs es da realisar quista lavurs tanter ils 10 ed ils 28 da mai. Il gremi es da l'avis cha cullas lavurs es pür da cumanzar cur chi'd es tschert, cha Cla Janett realisescha l'ingrondimaint, obain chi vegn fatta üna cunvegna cha Cla Janett ha da surtour ils cuosts in connex cullas lavurs da spostamaint, sch'el nu realisescha l'ingrondimaint.

La suprastanza va d'accord cul intent ed approvescha il credit necessari. Cul petent ha però da gnir fatta üna cunvegna in connex culs cuosts, sch'el nu vess da realisar l'ingrondimaint.

2170 Chasas da scoula

63 Proget ingrondimaint chasa da scoula Strada

Elecziun da la cumischiun da fabrica

A chaschun da la sezzüda da suprastanza dals 24 da marz, as vaiva quella, insemel cul president dal cussagl da scoula e la mainascoula, pudü far ün purtret da la situaziun in connex cul ingrondimaint da la chasa da scoula a Strada. La suprastanza vaiva trat decisiun da princip, uschè eir da fuormar üna cumischiun da planisaziun, respectivmaing cumischiun da fabrica. I vegnan proponüdas las seguintas persunas illa cumischiun:

- Fadri Riatsch, suprastant dal dicasteri fabrica
- Albin Paulmichl, manader tecnic
- Gianna Rauch Poo, mainascoula
- Walter Ehrensperger, pedel

La suprastanza va d'accord culla proposta, ed elegia ils proponüts illa cumischiun da planisaziun, respectivmaing cumischiun da fabrica. La cumischiun as constituyscha svesa.

0220 Uffizi da fabrica

64 Dumonda da Roger & Leta Janett / cumprita da terrain da fabrica a Chaflur o a Martina

Il manader tecnic spiega cha Roger e Leta Janett s'interessan per cumprar terrain da fabrica illa fracziun da Chaflur. In quist connex vegnan fat divers sclerimaints.

0120 Executiva

65 Orientaziuns

Bieraria Tschlin SA

Fadri Riatsch, suprastant cumünal e commember dal cussagl administrativ, orientescha sur da l'andamaint da la bieraria e sur da l'intent da spostar la radunanza generala, our da motivs da corona, dal mais mai sül utuon. El spiega cha'ls pass previs in connex culla collavuraziun, respectivmaing l'acquist da la majorità da las aczias tras la ditta Doppelleu, gnaran spostats ün zich vers inavo, our da motivs cha la ditta Doppelleu ha gnü problems economics, chaschunats da la crisa da corona. La Bieraria Tschlin SA ha gnü ün on da gestiun ourdvar bun cun ün augmaint da producziun da raduond +20%, e quai adonta da la problematica da corona. Cuntschaintamaing han bleras bierarias pitschnas gnü gronda fadia d'urant l'on 2020. Id es da tgnair bain in ögl, co cha la bieraria as svilupa inavant. Tenor calculaziun es la capacità maximala limitada, uschè cha tuotenor bsögna, cur cha las capacitats nu sun plü sufficiaintas, ün lö da producziun plü grond. Fadri Riatsch mazuna inavant, cha la suprastanza ha amo pendent la dumonda in connex cul fit dal stabel sistà d'urant l'on 2020. Quai es da tractandar ad üna prossma sezzüda.

Inscenaziun portal Ramosch

Armon Kirchen manzuna chi ha gnü lö la prüma sezzüda da la giuria. A chaschun da quella s'haja fat üna selecziun dals progets/ideas inoltrats/das. A la fin sun gnüdas definadas variantas chi sun degnas da gnir realisadas. Quellas sun gnüdas inoltradas prols uffizis chantunals per

ün'approvaziun. Apaina cha quels resultats sun avantman, po la cumischiun proseguir culs pass necessaris da la tscherna.

Auto da Posta / colliaziuns Fond e Damal

Il capo spiega ch'el es gnü contactà da sar Thierry Müller da l'uffizi d'energia e trafic chantunal. Quel til ha orientà, ch'el haja tschüff l'infuormaziun chi vegn realisada üna colliaziun dad auto da posta tanter Fond e Damal. Las consequenzas per Valsot sun, cha las postas nu gnissan plü a Martina, cha'l trajet Vinadi, Acla da Fans fin Spisser Mühle nu füss plü in funcziun, e cha tuot las colliaziuns in Samignun gessan da Martina sur Fond. Ün avantag da quist adattamaint es, chi gnissan augmantadas las frequenzas fin a colliaziuns da mezz'ura. Tenor las infuormaziuns cuntschaintas, nun ha quist adattamaint ün'influenza negativa süls transports da scoula. Quels d'eiran gnüts spostats sün colliaziuns dal plan general. Il capo ha orientà a sar Müller sur da las pretaisas davart dal cumün (transports da scolars dal s-chalin ot da Samignun a Strada e viceversa, sco eir sur da la situaziun per l'Acla da Fans).

0120 Executiva

66 Varia (suprastanza cumünala)

Da la tractanda nu vegn fat adöver.

7556 Ramosch, 07.05.2021



Il capo:

Il manader administraziun:

[Handwritten signatures in blue ink]